

UGOVOR O SNABDIJEVANJU ELEKTRIČNOM ENERGIJOM

zaključen između,

OPĆINSKI SUD U TUZLI, adresa: ZAVNOBIH BB, Tuzla, ID: 4209391920002 kojeg zastupa Dr.sc. Muhamed Tulumović, predsjednik suda (u daljem tekstu "**Kupac**") i

JP Elektroprivreda BiH d.d.-Satajevo, Vilsonovo šetalište 15, 71000 Sarajevo, ID: 4200225150005, koje zastupa generalni direktor dr.sci. Sanel Buljubašić i izvršni direktor za snabdijevanje i trgovinu dr.sci. Nevad Ikanović (u daljem tekstu "**Snabdjevač**"),

I-PREDMET UGOVORA

Član 1.

Predmet ovog Ugovora je snabdijevanje električnom energijom i obračun i fakturisanje usluga korištenja mreže prema utvrđenim uslovima korištenja distributivne mreže Operatora distributivnog sistema (u daljem tekstu: ODS), definisanje odnosa, prava i obaveza između Snabdjevača i Kupca koji ima status kvalifikovanog kupca električne energije, a sve prema zaključenom Okvirnom sporazumu o nabavci električne energije, po provedenom otvorenom postupku broj:032-0-Su-25-000570 i ponudi snabdjevača broj: 04-24691-1/25 od 07.07.2025. godine, koji su sastavni dio ugovora.

Član 2.

Na sve što nije regulisano ovim Ugovorom primjenjivat će se odredbe sljedećih propisa: Zakon o električnoj energiji Federacije BiH (u daljem tekstu „Zakon“), Zakon o obligacionim odnosima (u daljem tekstu „ZOO“), važeći akti: Pravilnik o promjeni snabdjevača, Opšti uslovi za isporuku električne energije (u daljem tekstu „Opšti uslovi“), Mrežni kodeks, Mrežna pravila, Tržišna pravila, Odluka o tarifnim stavovima za korisnike distributivnog sistema JP Elektroprivreda Bosne i Hercegovine d.d. - Sarajevo, Zakon o korištenju obnovljivih izvora energije i efikasne kogeneracije, Dozvola za obavljanje djelatnosti snabdijevanja i trgovine električnom energijom, Zakon o finansijskom poslovanju i akti koji u toku važenja ovog Ugovora na novi način urede pitanja regulisana navedenim propisima, odnosno aktima, kao i ostali zakonski i podzakonski akti koji tretiraju ovu materiju.

II – OSNOVNI PODACI O UGOVORNOM ORGANU

Član 3.

Kategorija potrošnje: Ostala potrošnja na 0,4 kV naponu I tarifna grupa

Adresa mjernog mjesta: ZAVNOBIH BB, 75000 Tuzla;

Šifra mjernog mjesta (serijski broj): 8332401

Tarifna grupa: M-1;

Nominalni napon priključenja kV: 0,4

Nominalni napon mjerenja kV: 0,4

Način dostave računa: putem pošte

Adresa dostave računa: ZAVNOBIH BB, 75000 Tuzla;

Broj i datum Ugovora o korištenju distributivne mreže: 485070/2024 od 31.01.2024. godine

Kategorija potrošnje: Ostala potrošnja na 0,4 kV naponu II tarifna grupa

Adresa mjernog mjesta: Maršala Tita broj 44, Tuzla;

Šifra mjernog mjesta (serijski broj):6969984

Tarifna grupa: M-2;

Nominalni napon priključenja kV: 0,4

Nominalni napon mjerenja kV: 0,4

Način dostave računa: putem pošte

Adresa dostave računa: ZAVNOBIH BB, 75000 Tuzla;

Broj i datum Ugovora o korištenju distributivne mreže: 206-219/11 od 07.01.2011.godine

III – SNAGA I KOLIČINA ELEKTRIČNE ENERGIJE

Član 4.

Snabdjevač će isporučivati, a Kupac će za vrijeme trajanja ovog Ugovora preuzimati snagu i električnu energiju po obračunskim periodima i ugovorenim količinama kako slijedi:

Mjerno mjesto: 8332401 (Količina snage i električne energije za period od 01.08.2025 - 31.07.2026. godine)

Obračunsko razdoblje	Obračunska snaga	Aktivna energija		
		Veća tarifa	Manja tarifa	Ukupno
Mjesec	kW	kWh	kWh	kWh
avgust	100	17.510	12.720	30.230
septembar	80	16.210	13.010	29.220
oktobar	75	11.830	8.850	20.680
novembar	65	11.630	9.060	20.690
decembar	55	9.400	5.610	15.010
januar	50	9.820	5.060	14.880
februar	65	9.430	5.010	14.440
mart	55	8.420	4.630	13.050
april	40	7.870	4.650	12.520
maj	85	9.430	7.560	16.990
juni	60	11.300	9.110	20410
juli	70	11.960	10.790	22.750
Ukupno		134.810	96.060	230.870

Mjerno mjesto 6969984 (Količina snage i električne energije za period od 01.08.2025 - 31.07.2026. godine)

Obračunsko razdoblje	Obračunska snaga	Aktivna energija		
		Veća tarifa	Manja tarifa	Ukupno
Mjesec	kW	kWh	kWh	kWh
avgust	0	750	270	1020
septembar	0	720	240	960
oktobar	0	790	270	1060
novembar	0	720	270	990
decembar	0	810	200	1010
januar	0	820	210	1030
februar	0	760	280	1040
mart	0	610	210	820
april	0	660	220	880
maj	0	780	300	1080
juni	0	770	280	1050
juli	0	670	240	910
Ukupno		8.860	2.990	11.850

Količina snage i električne energije iskazane po mjesecima su okvirne, te ovaj ugovor sam po sebi ne utvrđuje obavezu o isporuci i preuzimanju robe.

Kupac se obavezuje da koristi električnu energiju i snagu u skladu sa ovim Ugovorom.

Potpisivanjem ovog Ugovora Kupac postaje dio Balansne grupe čija je balansno odgovorna strana JP Elektroprivreda BiH d.d.-Sarajevo, koja preuzima troškove debalansa.

IV - VRIJEDNOST UGOVORA

Član 5.

Maksimalna finansijska vrijednost ovog ugovora, bez poreza na dodatnu vrijednost iznosi 69.038,80 KM (šezdesetdevethiljadatridesetosam i 80/100 konvertibilnih maraka).

MT
/

V- USLOVI KORIŠTENJA DISTRIBUTIVNE MREŽE

Član 6.

Kupac je dužan koristiti priključak i distributivnu mrežu prema uslovima iz elektroenergetske suglasnosti i u skladu sa Opštim uslovima, odnosno u skladu sa Ugovorom o korištenju distributivne mreže zaključenim sa ODS-om.

Ugovorne strane saglasne su da će sve zahtjeve vezane za promjene u korištenju priključka i mreže, uređivati u dogovoru i u skladu sa odredbama Opštih uslova i Mrežnih pravila.

Član 7.

Kupac je dužan odmah po saznanju, bez odlaganja, obavijestiti ODS o neispravnosti mjernih uređaja i o mogućem nastanku ili oštećenju bilo kojeg dijela mjernog sloga, oštećenju plombi, kao i o mogućem oštećenju mjernog ormara, s tim što kupac ne smije poduzimati nikakve radnje na mjernom mjestu i mjernom uređaju.

VI - MJERENJE I OČITANJE MJERNIH UREĐAJA

Član 8.

Način mjerenja, te uslovi i način očitavanja mjernih uređaja definisani su Ugovorom o korištenju distributivne mreže.

Mjerne podatke, na obračunskim mjernim mjestima, utvrđuje ODS u skladu sa važećim Opštim uslovima, Mrežnim kodeksom i Tržišnim pravilima.

ODS je dužan u okviru standardne mjerne usluge, utvrđene Mrežnim pravilima s mjernih mjesta prikupiti, obraditi, provjeriti valjanost, potvrditi vrijednosti, pohraniti i dostaviti, ili učiniti dostupnim u odgovarajućem formatu za preuzimanje, obračunske mjerne podatke za potrebe Snabdjevača i Kupca, za obračun prema ovom Ugovoru.

Kupac može od ODS-a naručiti nestandardne mjerne usluge, a ODS će ih pružiti i obračunati prema cjenovniku nestandardnih usluga, odnosno prema ugovorenim cijenama.

Kupac je dužan u svako vrijeme omogućiti pristup obračunskom mjernom mjestu i mjernim uređajima radi održavanja i očitavanja, kao i radi obustave isporuke – isključenja.

Očitavanje mjernih uređaja u pravilu se vrši jedanput mjesečno, kao i u slučaju zamjene brojila, promjene tarifnih stavova za korisnike distributivnog sistema, zahtjeva za promjenu snabdjevača, privremenog isključenja sa distributivne mreže, promjene cijene snabdjevanja od strane Snabdjevača, i drugih elemenata koji utiču na obračun.

VII- NAČIN OBRAČUNA I CIJENA ELEKTRIČNE ENERGIJE

Član 9.

Snabdjevač će obračunavati električnu energiju i uslugu korištenja mreže na osnovu mjernih podataka iz člana 8. ovog Ugovora.

U slučaju kada se mjerenje vrši na naponu nižem, odnosno višem od napona na mjestu isporuke, Snabdjevač će obračunati korekciju obračunskih podataka za iznos gubitaka električne energije na osnovu podataka o gubicima električne energije dostavljeni od strane ODS-a.

Om Tg
(

Član 10.

Jedinične cijene za snabdijevanje električnom energijom, prema Ponudi snabdjevača su:

TARIFNI STAVOVI ZA ELEKTRIČNU ENERGIJU					
OBRAČUNSKI ELEMENTI	MJERNO MJESTO KUPCA	OBRAČUNSKA SNAGA	AKTIVNA ENERGIJA		PREKOMJERNO PREUZETA REAKTIVNA ENERGIJA
JEDINICA MJERE	KM	KM/kW/mjesec	F/kWh		F/kVArh
DNEVNO DIFERENCIRANJE	-	-	VEĆI	MANJI	-
CIJENA	0,0000	0,0000	23,55	15,83	0,0000

TARIFNI STAVOVI ZA KORISNIKE DISTRIBUTIVNOG SISTEMA (MREŽARINA) NA Ostala potrošnja na 0.4 kV naponu I tarifna grupa					
OBRAČUNSKI ELEMENTI	MJERNO MJESTO KUPCA	OBRAČUNSKA SNAGA	AKTIVNA ENERGIJA		PREKOMJERNO PREUZETA REAKTIVNA ENERGIJA
JEDINICA MJERE	KM	KM/kW/mjesec	F/kWh		F/kVArh
DNEVNO DIFERENCIRANJE	-	-	VEĆI	MANJI	-
CIJENA	4,1500	6,5200	6,89	3,45	0,0322

TARIFNI STAVOVI ZA ELEKTRIČNU ENERGIJU					
OBRAČUNSKI ELEMENTI	MJERNO MJESTO KUPCA	OBRAČUNSKA SNAGA	AKTIVNA ENERGIJA		PREKOMJERNO PREUZETA REAKTIVNA ENERGIJA
JEDINICA MJERE	KM	KM/kW/mjesec	F/kWh		F/kVArh
DNEVNO DIFERENCIRANJE	-	-	VEĆI	MANJI	-
CIJENA	0,0000	0,0000	23,55	15,83	0,0000

TARIFNI STAVOVI ZA KORISNIKE DISTRIBUTIVNOG SISTEMA (MREŽARINA) NA Ostala potrošnja na 0.4 kV naponu II tarifna grupa					
OBRAČUNSKI ELEMENTI	MJERNO MJESTO KUPCA	OBRAČUNSKA SNAGA	AKTIVNA ENERGIJA		PREKOMJERNO PREUZETA REAKTIVNA ENERGIJA
JEDINICA MJERE	KM	KM/kW/mjesec	F/kWh		F/kVArh
DNEVNO DIFERENCIRANJE	-	-	VEĆI	MANJI	-
CIJENA	2,60000	0,0000	8,91	4,45	0,0000

Naknadu za poticanje proizvodnje električne energije iz obnovljivih izvora energije Snabdjevač će evidentirati na svakom pojedinačnom računu Kupca u skladu sa važećim propisima.

Jedinične cijene iz ponude za snabdijevanje električnom energijom ne mogu se mijenjati u toku trajanja ugovora, dok se cijena troška korištenja mrežarine i naknada za poticanje proizvodnje električne energije iz obnovljivih izvora mogu mijenjati samo u slučaju i u svemu prema izmjeni propisa kojim su regulirane iste.

Na iznos obračunate utrošene električne energije i usluge korištenja mreže, Snabdjevač će Kupcu obračunati iznos PDV-a i druge primjenjive naknade u skladu s važećim propisima.

Član 11.

Snabdjevač će iskazati obračun sa jasnom strukturom, uključujući cijenu korištenja distributivne mreže, posebnu stavku iznosa naknade za obnovljive izvore, porez na dodatnu vrijednost i druge primjenjive naknade u skladu sa ovim Ugovorom i važećim propisima, a koje će na računu biti iskazane odvojeno.

VI DOSTAVA RAČUNA I PLAĆANJE

Član 12.

Snabdjevač dostavlja račun Kupcu na osnovu obračuna izvršenog po odredbama ovog Ugovora, po obračunskom mjernom mjestu, u roku od 5 (pet) dana od datuma izdavanja računa.

Račun sadrži jasnu strukturu troškova i propisanih naknada.

Kupcu se račun dostavlja putem pošte ili putem elektronske pošte (ukoliko se kupac izjasni), na e-mail adresu dostave računa. Ukoliko se u toku trajanja ovog Ugovora Kupac tako opredijeli (pisanim putem ili putem e-mail-a), može izvršiti promjenu načina dostave računa i/ili promjenu adrese ili e-mail adrese dostave računa.

Ako Kupac ne zaprimi račun za obračunski period u ugovorenom roku, dužan je o tome obavijestiti Snabdjevača najkasnije do 15. u mjesecu. Snabdjevač će izdati Kupcu kopiju računa bez posebne naknade.

Član 13.

Rok plaćanja ispostavljenog računa je:

- 15 (petnaest) dana od datuma izdavanja računa ukoliko Kupac na dan izdavanja računa ima dospjelih obaveza po osnovu isporučene električne energije; odnosno
- 30 (trideset) dana od datuma izdavanja računa ukoliko Kupac na dan izdavanja računa nema dospjelih obaveza po osnovu isporučene električne energije.

Ako Kupac ne plati novčanu obavezu u roku dospijeca. Snabdjevač će obračunati zakonsku zateznu kamatu u visini stope zatezne kamate propisane zakonom, kao i sve druge zakonom propisane naknade.

Snabdjevač će dospjela, a nenaplaćena potraživanja naplaćivati na način da se prvo naplate troškovi, zatim kamate i na kraju glavnica.

Član 14.

U slučaju da Kupac neuredno izmiruje svoje obaveze po osnovu ovog Ugovora, Snabdjevač može tražiti, a Kupac je dužan dostaviti Snabdjevaču bankovnu garanciju ili bjanko mjenicu sa mjeničnom izjavom kao garanciju obezbjeđenja plaćanja preuzele električne energije.

Bankarska garancija iz ovog člana se dostavlja sa rokom dužim za tri mjeseca od perioda na koji je zaključen ovaj Ugovor, dok će visina bankarske garancije iznositi tri prosječne mjesečne fakture Kupca u skladu sa ovim Ugovorom.

Član 15.

Kupac može podnijeti Snabdjevaču prigovor u roku od 15 (petnaest) dana od dana izdavanja računa u kojem djelimično ili u cijelosti osporava račun.

Prigovor Kupca ne odgađa plaćanje neosporenog dijelu računa u roku dospijeca.

Umg

Snabdjevač je dužan odgovoriti pisanim putem Kupcu na prigovor u roku od 8 (osam) dana od dana prijema prigovora.

Ako je prigovor opravdan, Snabdjevač će izdati novi račun s novim rokom dospjeća. U slučaju neprihvatanja prigovora, Kupac je dužan platiti prvobitno ispostavljeni račun u punom iznosu.

U slučaju da se prigovor Kupca odnosi na neku povredu odredbi Zakona i Opštih uslova, a ne na izdati račun, Kupac ima pravo prigovora u roku od 15 dana od dana nastanka razloga za podnošenje prigovora. Snabdjevač će pisanim putem odgovoriti u roku od 15 dana.

Prigovori će se rješavati na način predviđen internim aktom Snabdjevača, Zakonom i Opštim uslovima.

Član 16.

Kupac je obavezan da obavijesti Snabdjevača o izmjenama odgovarajućih podataka Kupca i podataka vezanih za obračunska mjerna mjesta u toku ugovornog perioda, za podatke koji utiču na obračun i dostavu računa.

Kupac je saglasan sa prikupljanjem i obradom ovih podataka od strane Snabdjevača, u svrhu adekvatnog informisanja Kupca od strane Snabdjevača.

VII MEĐUSOBNA PRAVA I OBAVEZE

Član 17.

Ugovorne strane su saglasne da će se na sve stavke koje eventualno nisu regulisan ovim Ugovorom primjenjivati odgovarajuće odredbe ZOO, Zakona o električnoj energiji, Opštih uslova, Pravilnika o promjeni snabdjevača, propisa koje donosi DERK I FERK kao i drugih propisa iz ove oblasti.

VII RASKID UGOVORA I NAKNADA ŠTETE

Član 18.

Ugovor o snabdjevanju električnom energijom za tržišno snabdjevanje, može prestati:

- a) sporazumnim raskidom,
- b) jednostranim raskidom, na način propisan Zakonom i ovim Ugovorom,
- c) smrti Kupca, odnosno prestanka pravnog lica u svojstvu Kupca.

Ugovorne strane su suglasne da u slučaju kršenja Ugovora mogu raskinuti Ugovor putem pisane obavijesti o raskidu upućene drugoj Ugovornoj strani putem preporučene pošiljke uz, otkazni rok zaključno sa posljednjim danom narednog obračunskog perioda.

Smatra se da je obavijest o raskidu Ugovora zaprimljena od druge Ugovorne strane pretekom 3 dana od dana predaje na poštu obavijesti o raskidu Ugovora, pod uslovom da Ugovorna strana koja šalje takvu pošiljku ima dokaz o njenom slanju.

Ugovor prestaje važiti u 24:00 sata zadnjeg dana obračunskog perioda u kojem je istekao otkazni rok, iz stava 2. ovog člana.

U slučaju raskida Ugovora od strane Kupca (osim u slučaju kršenja ugovornih obaveza), a ukoliko je Kupac koristio pogodnost roka plaćanja od 30 dana, Kupac može na pisani zahtjev raskinuti ovaj Ugovor uz otkazni rok od 60 (šezdeset) dana pod uslovom da izmiri svoje dospjele obaveze prema drugoj Ugovornoj strani.

Član 19.

U slučaju raskida Ugovora od strane Kupca zbog odabira drugog snabdjevača (osim kršenja ugovornih obaveza od strane Snabdjevača), prije isteka ugovora, ili u slučaju raskida Ugovora od strane Snabdjevača zbog kršenja ugovornih obaveza od strane Kupca, Snabdjevač ima pravo na naknadu štete, te ima pravo Kupcu obračunati naknadu štete za prijevremeni raskid ovog Ugovora, kako slijedi:

a) Kupac je dužan platiti Snabdjevaču naknadu štete za prijevremeni raskid ugovora u iznosu od 10 % prosječne mjesečne ugovorene vrijednosti (u skladu sa ugovorenim količinama i cijenama) za svaki mjesec u kojem električnu energiju nije preuzeo.

Snabdjevač će obračunati iznos naknade štete iz ovog člana, a koji je Kupac dužan platiti Snabdjevaču u roku od 2 (dva) dana. Ukoliko Kupac ne plati obračunati iznos naknade štete u ugovorenom roku, naknada štete će se naplatiti iz bankarske garancije iz člana 14. ovog Ugovora ili putem nadležnog Suda.

IX OGRANIČENJE I OBUSTAVA ISPORUKE ELEKTRIČNE ENERGIJE

Član 20.

Snabdjevač može izvršiti ograničenje ili obustavu isporuke električne energije Kupcu u slučajevima, pod uslovima i na način utvrđen važećim Opštim uslovima.

Ako Kupac ne izvršava obavezu plaćanja u ugovorenom roku, Kupcu može biti izvršena obustava isporuke električne energije nakon isteka roka utvrđenog u Obavještenju o isključenju koji ne može biti kraći od 8 dana.

Snabdjevač će dostaviti zahtjev ODS-u za obustavu isporuke električne energije na objektu krajnjeg kupca u slučaju neizvršenja obaveza po Ugovoru o snabdijevanju, u slučajevima i na način propisan Zakonom i Opštim uslovima.

Član 21.

Obustavljanje isporuke električnom energijom, Snabdjevač neće izvršiti na objektu unutar kojeg se koristi elektromedicinska oprema neophodna za održavanje ljudskog života, a za čiji rad je neophodno napajanje iz distributivne mreže.

Kupac je obavezan dostaviti Snabdjevaču dokaz o korištenju elektromedicinske opreme navedene u stavu 1. ovog člana.

X KVALITET SNABDIJEVANJA

Član 22.

Za sigurnost, pouzdanost i kvalitet isporuke električne energije, u skladu sa Zakonom, odgovoran je nadležni ODS.

Član 23.

Snabdjevač se obavezuje uslugu snabdijevanja električnom energijom obavljati pouzdano i kvalitetno u skladu sa odredbama Zakona koji određuje uslove snabdijevanja koje mora ispuniti Snabdjevač električne energije.

Član 24.

Snabdjevač i Kupac oslobađaju se preuzetih obaveza u pogledu isporuke odnosno preuzimanja električne energije u slučajevima obustave isporuke električne energije i ograničenja u isporuci električne energije, u skladu sa Zakonom i važećim Opštim uslovima.

XI PROMJENA SNABDJEVAČA

Član 25.

U slučaju promjene Snabdjevača, ugovorne strane su saglasne da se obezbijedi efikasan postupak promjene Snabdjevača, na način i prema rokovima propisanim Pravilnikom o promjeni snabdjevača, uz obavezu izmirenja obaveza nastalih do datuma promjene Snabdjevača.

Snabdjevač će osporiti prestanak važenja Ugovora ukoliko Kupac najkasnije u roku od 2 (dva) dana od dana u kojem Snabdjevač zaprimi obavještenje od nadležnog ODS-a o pokretanju postupka promjene snabdjevača ne izmiri sve obaveze prema Snabdjevaču nastale po osnovu ovog Ugovora.

Nakon svake promjene Snabdjevača vršit će se konačni obračun potrošnje krajnjeg kupca radi blagovremenog izmirenja obaveza prema Snabdjevaču.

XII POVJERLJIVOST

Član 26.

Ugovorne strane neće otkriti trećoj strani detalje ovog Ugovora, osim ako ne postoji pismena suglasnost druge strane. Zabrane se ne primjenjuju na nadzorna tijela koja imaju nadležnost nad tom stranom, odnosno na ovlaštene predstavnike institucija BiH. U slučaju da se informacije moraju otkriti, strana koja treba otkriti informacije obavijestit će drugu stranu.

Kupac je saglasan da Snabdjevač može koristiti podatke vezane za ugovorni odnos u svrhu ispunjavanja ugovornih obaveza, a u skladu sa propisima o zaštiti ličnih podataka.

Kupac je saglasan da Snabdjevač može vršiti razmjenu informacija i podataka sa ODS-om, a koji se odnose na mjerna mjesta Kupca, koja su predmet ovog Ugovora.

XIII VIŠA SILA

Član 27.

Snabdjevač se oslobađa obaveza u pogledu snabdijevanja električnom energijom u periodu trajanja kvara u sistemu više sile, radova na mreži, kao i ostalih okolnosti na koje nije mogao uticati.

Snabdjevač nije odgovoran ako ne može ispuniti svoje obaveze zbog razloga koji su na strani Operatora prenosnog sistema i ODS-a, odnosno zbog nepoštivanja obaveza koje su utvrđene važećim propisima, a koje imaju Operator prenosnog sistema i ODS.

Nastupanje okolnosti iz stava 1. i stava 2. ovog člana oslobađaju Snabdjevača i Kupca izvršavanja obaveza iz Ugovora.

Član 28.

U slučaju da je jedna od ugovornih strana, u potpunosti ili djelimično u nemogućnosti isporučiti ili preuzeti električnu energiju zbog više sile, odgovarajuće ugovorne obaveze te ugovorne strane bit će privremeno suspendovane u potpunosti ili djelimično sve dok se određene smetnje ne uklone.

Član 29.

Viša sila znači nastupanje svih događaja i okolnosti koji, da su i mogli biti predviđeni, ne bi mogli biti spriječeni i na koje se ne može uticati, umanjiti ih, otkloniti ih ili ukinuti njihovo djelovanje, što naročito uključuje, ne ograničavajući se ozbiljne prirodne događaje i nepogode, epidemije, akcije vlasti, ratove,

štrajkove, eksplozije koje nisu posljedica nepravilnog i nepažljivog rukovanja i dotrajalosti materijala i opreme.

Član 30.

U slučaju više sile pogođena strana odmah će obavijestiti drugu stranu o uzroku, prirodi, ozbiljnosti, te predviđenom trajanju smetnje, kao i mjerama koje je potrebno poduzeti za rješavanje problema.

Član 31.

Svaka ugovorna strana će učiniti sve kako bi se moguće smetnje otklonile što je prije moguće.

XIV NAČIN RJEŠAVANJA SPOROVA

Član 32.

Ugovorne strane su saglasne da će eventualne sporove rješavati sporazumno u skladu sa odredbama Zakona, ZOO, Opštim uslovima, Dozvole za rad, drugih pravila i propisa regulatora (FERK-a, i DERK-a), Operatora sistema (NOS Bi1-1), kao i ostalim zakonskim i podzakonskim aktima koji tretiraju ovu materiju.

Kupac može u pisanoj formi podnijeti prigovor elektroenergetskom subjektu, na koji način će pokušati spor riješiti mirnim putem.

U slučaju da ugovorne strane ne mogu riješiti spor dogovorom, iste mogu podnijeti zahtjev za rješavanje spora FERK-u u skladu sa Zakonom.

Za sporove koji se ne mogu riješiti u skladu s odredbama ovog člana, ugovorne strane su saglasne da je nadležan mjesno nadležan sud u Sarajevu.

XV TRAJANJE UGOVORA

Član 33.

Ovaj Ugovor se zaključuje na period od 12 mjeseci, a stupa na snagu danom obostranog potpisivanja i primjenjivat će se od 01.08.2025 - 31.07.2026. godine.

U slučaju da se ovaj Ugovor potpiše nakon 01.08.2025. godine, važiće od dana naznačenog u Obavještenju o dodjeli ugovora na portalu javnih nabavki www.ejn.gov.ba do 31.07.2026. godine.

Član 34.

Snabdjevač će obavijestiti krajnjeg kupca o isteku roka trajanja ugovora na primjeren način u skladu sa odredbama važećih akata.

XVI ZAVRŠNE ODREDBE

Član 35.

Ugovorne strane će sve obavijestiti i komunikaciju iz Ugovora upućivati jedna drugoj na adresu naznačenu u zaglavlju ovog Ugovora odnosno ugovorene adrese, poštanskom pošiljkom, osim kada je u ugovoru naznačeno da se obavijest odnosno druga komunikacija dostavlja preporučenom pošiljkom, faksom ili putem elektronske pošte.

Smatra se da je obavijest ili bilo koja druga komunikacija, koja se dostavlja poštanskom pošiljkom ili preporučenom poštom, zaprimljena od druge Ugovorne strane protekom 3. dana od dana predaje na poštu, pod uslovom da Ugovorna strana koja šalje pošiljku ima dokaz o slanju.

Ug

Ukoliko je obavijest upućena elektronskom poštom, smatra se da je zaprimljena na dan kada je sa e-mail servera Snabdjevača isporučena elektronska pošiljka na e-mail adresu primatelja naznačenu u ovom Ugovoru.

Član 36.

Ovaj Ugovor sačinjen je u dva istovjetna primjerka, od kojih svaka Ugovorna strana zadržava po jedan primjerak.

ZA SNABDJEVAČA


JP Elektropivreda BiH d.d.-Sarajevo

Generalni direktor



Dr.sci. Sanel Buljubašić

Izvršni direktor za snabdijevanje i trgovinu



Dr.sci. Nevad Ikanović


Broj: 01-09-29269-1/25

Datum: 12-08-2025


ZA KUPCA

Općinski sud u Tuzli

Predsjednik suda



Dr.sc. Muhamed Tulumović



Broj: 032-0-Su-25-000570/10

Datum: 01.08.2025. godine

Uk 11